

Piedra di Cinco Liber den botin

ORO NA CANTIDAD A WORDE SACA FOR DI ARUBA

ORANJESTAD(AAN)—
Cu aparatonan sofistica
nan a yega Aruba. Nan a
gaña cu nan ta pertenece
na e grupo cu a presenta su
mes na Gobierno. Cu oro
na cantidad nan a despedi
cu e promesa di regresa.

Informantenan clave
den curso di ayera, a con-
firma loke DIARIO den

pasado a yega di publica,
esta cu extranheronan ta
saca oro na forma ilegal
for di Aruba.

Nan a mustra DIARIO
cu for di e momento cu
a keda notifica cu un gru-
po lo a haci uso di avione-
ta pa bay busca oro, va-
rios otro grupo local y
extranhero a dicidi di haci

uso di ocasion.

Tabata tin varios Aru-
biano cu lo a bay busca
oro sin permiso, mientras
cu extranheronan tambe lo
a trata di mira si tin algo
pa nan den suelo. Un gru-
po cu a abusa di e situa-
cion, ta esun cu a opera
den vecindario di Andi-

EMILY A BIRA H

Oro

Cont. di pag. 1

couri Boca Cruz, Natural
Bridge te na Dos Playa. E
grupo tabata consisti di
Seis persona, cu for di
tempran tabata sali en bus-
ca di oro, haciendo uso di
equipo sofistica.

Sinta den varios jeep
nan tabata recorre mondi-
nan y haciendo uso di e
aparatonan cu for di
distancia grandi por detec-
ta oro, nan tabata extrae
e material precioso for di
suelo.

Nan botin lo tabata con-
siderable. Nan mester a
haya piedranan cu ta con-
tene oro y cu tabata di
tamaño for di un pipita
di maishi rabo te un
caba di swafel.

Aparentemente e cali-
dad di oro mester tabata
uno basta alto. En total
nan lo mester a haya 10
liber di oro, cu nan mester
a saca for di Aruba, segun
informantenan, cu a sigui
e operacionnan di acerca.
Ta e informantenan aki a
ripara tambe cu den e
botin tabata tin un piedra
cu oro di alto calidad, y cu
tabata pisa Cinco liber.

E grupo por a chenta
Aruba cu e equipo, gañan-
do cu e ta forma parti di e
grupo cu a solicita permiso
oficial pa busca oro.

Pero aparentemente
esaki tabata un mentira.
Mientras e grupo ya a
sali di Aruba, nan a
priminti cu nan lo regresa
"El Dorado Aruba".

indica ta trata di e grupo
cu DIARIO a yega di
señala y cu a causa con-
mocion y reaccion. Pero
ta keda un hecho cu
mester mira kico ta kico
den e asuntunan aki.